



# SLUŽBENI GLASNIK

## OPĆINE JABLANICA

broj 5/2022.







## SADRŽAJ

Red. br.	N A Z I V A K T A	Strana
1.	Odluka o raspodjeli sredstava nevladinim organizacijama i za projekte mladih, iz Budžeta Općine Jablanica za 2022. godinu –po LOD metodologiji	5
2.	Pravilnik o kriterijima za sufinansiranje javnog interesa u oblasti kulture iz budžeta Općine Jablanica	7
3.	Odluka o utvrđivanju javnog interesa za izgradnju/izmještanje željezno-rešetkastog stuba na trasi dalekovoda „Granit-Bukov pod“	11
4.	Odluka o utvrđivanju javnog interesa za izgradnju infrastrukturne bazne stanice mobilne telefonije na području Risovca	12
5.	Zaključak o utvrđivanju Nacrta Odluke o komunalnom redu	13
6.	Zaključak o davanju mišljenja i saglasnosti u vezi Zaključka Vlade Hercegovačko-neretvanskog kantona, broj: 01-1-02-1093/22 od 26.04.2022. godine	14
7.	Zaključak o davanju saglasnosti u postupku dodjele koncesije po prijedlogu S.D. „EKO-FISH“ Jablanica	15
8.	Zaključak o usvajanju inicijative Kluba vijećnika OO SDP BiH Jablanica i nezavisne vijećnice Adise Zukić za izmjenu Odluke o radnom vremenu trgovačkih, ugostiteljskih obrtničkih i srodnih radnji i djelatnosti na području općine Jablanica	16
9.	Zaključak o usvajanju inicijative Kluba vijećnika OO SDA Jablanica za donošenje Odluke i Plana/Programa za izgradnju sportskog strelišta na području općine Jablanica	16
10.	Zaključak o usvajanju inicijative vijećnika OO SDA Jablanica Kenana Biserovića za donošenje Odluke o izmjeni i dopuni Odluke o dodjeli na korištenje poslovnih prostorija bez naknade	17
11.	Zaključak u vezi mladih	17





Na osnovu člana 18. Statuta Općine Jablanica («Službeni glasnik Općine Jablanica», broj: 2/09, 8/16 i 2/20), člana 12. Odluke o načinu odabira projekata nevladinih/neprofitnih organizacija po LOD metodologiji («Službeni glasnik Općine Jablanica», broj: 2/13), Općinsko vijeće na svojoj 18. sjednici, održanoj dana 26.05.2022. godine, *donijelo je*

### O D L U K U

#### o raspodjeli sredstava nevladinim i omladinskim organizacijama iz Budžeta – Proračuna Općine Jablanica za 2022. godinu po LOD metodologiji

#### Član 1.

Odobravaju se sredstva nevladinim organizacijama sa područja Općine Jablanica po Javnom pozivu za kandidovanje projekata nevladinih organizacija koji će se financirati iz Budžeta – Proračuna Općine Jablanica za 2022. godinu opredjeljenih za projekte nevladinih i omladinskih organizacija.

Ovom Odlukom na osnovu provedene propisane procedure utvrđuje se lista projekata od rednog broja 1. do 19. koji su odabrani za finansiranje projekata nevladinih organizacija u 2022. godini:

#### PROJEKTI NEVLADINIH ORGANIZACIJA

R.Br.	Naziv NVO	Naziv projekta	Odobrena sredstva za 2022. godinu	Bodovi
1.	Udruženje žena „Most“ Jablanica	Unaprijeđenje agroturizma kroz promociju dizajn i pakovanje domaćih proizvoda	1.600,00 KM	90
2.	Udruženje žena „Most“ Jablanica	Suvenirnica 2022.	1.500,00 KM	89
3.	Udruga „Začepi i trči“	2.Jablanički polumaraton 2022.	1.500,00 KM	85
4.	Turističko udruženje Zelena dolina „Green Valley“ Jablanica	Jačanje kapaciteta usluge Neretva safari kayak	1.000,00 KM	83
5.	„Savez poljoprivrednih udruženja“ Jablanica	Škola povrtlarstva	1.200,00 KM	82
6.	Udruženje građana „PULS“	Uređenje kanjona i vidikovca na Grabovačkom jezeru	1.200,00 KM	80
7.	Folklorni ansambl „Neretva“ Jablanica	XVIII Međunarodna smotra folklor	2.000,00 KM	79
8.	„Airsoft klub“ Jablanica	Uređenje odmarališta Suhava-Zeleni otoci	1.000,00 KM	79
9.	Folklorni ansambl „Neretva“ Jablanica	Glas Neretve	1.800,00 KM	78
10.	„Airsoft klub“ Jablanica	Airsoft kao turistički potencijal	1.200,00 KM	78
11.	Turističko udruženje Zelena dolina „Green Valley“ Jablanica	Uređenje plaže na Grabovačkom jezeru	1.100,00 KM	76
12.	Društvo „Josip Broz Tito“ Jablanica	Kulturno umjetnički festival antifašizma „Jablanica 2022“	1.000,00 KM	75
13.	Društvo „Josip Broz Tito“ Jablanica	Promocija obnove mosta na Neretvi i muzeja u svrhu promocije turističke ponude općine Jablanica	1.700,00 KM	74



14.	<b>Udruženje građana „Roditelji za roditelje“ Jablanica</b>	JA adolescent	1.200,00 KM	<b>73</b>
15.	<b>Udruženje građana „Roditelji za roditelje“ Jablanica</b>	Savjetovalište sa naglaskom na roditelje u Jablanici	1.600,00 KM	<b>73</b>
16.	<b>BZK „Preporod“ Općinsko društvo Jablanica</b>	Izložba slika Damir Krečinić-Roko	1.200,00 KM	<b>72</b>
17.	<b>Auto-Moto klub „Sunce“ Jablanica</b>	Autosjedalice uvijek i bez izuzetka	1.200,00 KM	<b>72</b>
18.	<b>Udruženje „Zlatno putovanje“ Jablanica</b>	Aktivizam građana-manje otpada	1.000,00 KM	<b>71</b>
19.	<b>PD „Bagrem“ Jablanica</b>	Edukacija i podrška pčelarima u ovladavanju savremenom tehnologijom pčelarenja i borbi protiv zaraznih bolesti pčela radi povećanja proizvodnje meda	1.000,00 KM	<b>71</b>
<b>U K U P N O</b>			<b>25.000,00 KM</b>	

### Član 2.

Ovom Odlukom na osnovu provedene propisane procedure utvrđuje se lista projekata od rednog broja 1. do 11. koji su odabrani za finansiranje projekata omladinskih organizacija u 2022. godini:

### PROJEKTI OMLADINSKIH ORGANIZACIJA

R.Br.	Naziv NVO	Naziv projekta	Odobrena sredstva za 2022. godinu	Bodovi
1.	<b>Omladinski klub „Pod istim suncem“ Jablanica</b>	Volonterizmom protiv apatije	2.000,00 KM	<b>90</b>
2.	<b>Omladinski klub „Pod istim suncem“ Jablanica</b>	Mladi za kulturu	2.000,00 KM	<b>90</b>
3.	<b>Omladinski klub „Pod istim suncem“ Jablanica</b>	Zdravi korner	2.200,00 KM	<b>89</b>
4.	<b>OKC „UrbanArt „ Jablanica</b>	Urban winterFest 2022	2.000,00 KM	<b>88</b>
5.	<b>OKC „UrbanArt „ Jablanica</b>	Coworking prostor	2.000,00 KM	<b>87</b>
6.	<b>Udruženje za djecu i omladinu „Galeb“ Jablanica</b>	Gitara za početnike	2.000,00 KM	<b>74</b>
7.	<b>Udruženje za djecu i omladinu „Galeb“ Jablanica</b>	Zimski koncert na otvorenom	1.800,00 KM	<b>73</b>
8.	<b>Udruženje za djecu i omladinu „Galeb“ Jablanica</b>	Tri dana Galeba	2.000,00 KM	<b>73</b>



9.	<b>Omladinska organizacija “Prenj” Jablanica</b>	Ja imam svoje drvo	2.000,00 KM	<b>72</b>
10.	<b>Omladinska organizacija “Prenj” Jablanica</b>	Ljetne igre 2022	2.000,00 KM	<b>71</b>
<b>UKUPNO</b>			<b>20.000,00 KM</b>	

### Član 3.

Nevladine organizacije sa područja općine Jablanica kojima su odobrena sredstva za projekte u 2022. godini nakon potpisivanja ugovora o realizaciji projekata obavezuju se da odobrene projekte realizuju u skladu sa odredbama ugovora o dodjeli sredstava nevladinim organizacijama, a doznaka finansijskih sredstava vršit će se u skladu sa planom realizacije projekata.

Zadužuje se Stručni savjetnik za nevladin sektor da vrši monitoring odobrenih projekata, te prilikom sklapanja ugovora sačini poseban sporazum sa nevladinim organizacijama u kome će tačno definisati stavke koje su korigovane u odnosu na projekat koji je apliciran kako bi se isti uspješno realizovao, i kako bi se mogla pratiti realizacija istog.

Sporazum iz prethodnog stava je sastavni dio ugovora koji nevladine organizacije zaključuju sa Općinskim načelnikom Općine Jablanica.

### Član 4.

Ova Odluka stupa na snagu danom objavljivanja u «Službenom glasniku Općine Jablanica»

Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-1257-2/22-18  
Jablanica, 26.05.2022.g

PREDSJEDAVALAČI OV-a  
Emir Muratović, BA ing. građ., s.r.

\*\*\*

Na osnovu člana 13. Zakona o principima lokalne samouprave u Federaciji BiH („Službene novine Federacije BiH, broj 49/06 i 51/09), člana 18. Statuta općine Jablanica (“Službeni glasnik općine Jablanica”, broj: 2/09, 8/16 i 2/20) Općinsko vijeće Jablanica na 18. sjednici održanoj dana 26.05.2022. godine, *d o n i j e l o j e*

## PRAVILNIK

### o kriterijima za sufinansiranje javnog interesa u oblasti kulture iz budžeta Općine Jablanica

#### Član 1.

Ovim Pravilnikom utvrđuju se kriteriji i postupak dodjele sredstava, način raspoređivanja i praćenje korištenja dodijeljenih sredstava za manifestacije iz kulture, neprofitnim organizacijama (u daljem tekstu aplikanti), koje će se finansirati/sufinansirati iz Budžeta Općine Jablanica.

#### Član 2.

(1) Pravo na dodjelu sredstava iz člana 1. ovog Pravilnika mogu ostvariti aplikanti, sa područja Općine Jablanica koji ispunjavaju sljedeće opće uslove:

- da su osnovani i registrovani u Bosni i Hercegovini
- da su vođeni od strane državljanina Bosne i Hercegovine,
- da ne obavljaju aktivnosti u ime političkih partija,
- da svoje manifestacije realizuju na području Općine Jablanica.

(2) U izuzetnom slučaju mogu se finansirati/sufinansirati manifestacije koje se realizuju izvan područja Općine Jablanica ukoliko te manifestacije doprinose promociji Općine.



## Član 3.

(1) Prioritetne oblasti i manifestacije predviđene za finansiranje/sufinansiranje iz člana 1. ovog Pravilnika su:

- a) književne, pozorišne, muzičko-scenske i plesne manifestacije,
- b) promocije knjiga i časopisa iz oblasti kulture, nauke i drugih društvenih djelatnosti,
- c) muzički koncerti i festivali,
- d) izložbe slika i fotografija,
- e) manifestacije filmske i audio-vizuelne umjetnosti,
- f) vjersko-kulturne manifestacije,
- g) manifestacije koje doprinose očuvanju kulturno-historijskog i prirodnog naslijeđa,
- h) manifestacije kulturno-umjetničkog amaterizma,
- i) manifestacije koje promovišu urbanu kulturu mladih
- j) manifestacije koje afirmišu kulturu i tradiciju Jablanice,
- k) manifestacije koje podstiču međunarodnu i međugradsku kulturnu saradnju,
- l) međunarodne kulturne manifestacije i takmičenja koja će promovisati Općinu Jablanica u zemlji i inostranstvu.

## Član 4.

(1) Sredstva iz Općine Jablanica sa pozicije „Trasfer za kulturu“ dodjeljuju se na osnovu javnog poziva koji objavljuje nadležna Služba.

(2) Javni poziv sadrži:

- a) naziv organa koji raspisuje Javni poziv,
- b) učesnike poziva,
- c) rokove za dostavljanje dokumentacije,
- d) prioritetne oblasti na koje se poziv odnosi,
- e) rokove i način objavljivanja rezultata provedenog Javnog poziva.

(3) Javni poziv se objavljuje na Oglasnoj tabli i zvaničnoj internet stranici Općine Jablanica ([www.jablanica.ba](http://www.jablanica.ba)).

(4) Javni poziv ostaje otvoren do utroška sredstava.

## Član 5.

(1) Iz odobrenih budžetskih sredstva aplikanti mogu finansirati administrativne i kancelarijske troškove i troškove osoblja.

(2) Pod administrativnim troškovima smatraju se sljedeći troškovi: kancelarijski troškovi, zakup kancelarijskog prostora, komunalni i režijski troškovi, usluge tekućeg održavanja i sl.

(3) Pod troškovima osoblja smatra se trošak operativnog osoblja neophodnog za poslovanje aplikanta.

(4) Administrativni i kancelarijski troškovi i troškovi osoblja ne smiju prelaziti 20% od ukupnog budžeta manifestacije.

## Član 6.

(1) Prijava na javni poziv podnosi se na prijavnom obrascu kojeg propisuje nadležna Služba, a koji se može preuzeti na zvaničnoj internet stranici Općine Jablanica.

(2) Prilikom apliciranja na javni poziv za finansiranje/sufinansiranje manifestacija aplikanti su obavezni dostaviti sljedeće:

a) Popunjen prijavni obrazac koji sadrži:

- 1) naziv i opis manifestacije,
- 2) naziv nosioca manifestacije,
- 3) transakcioni račun aplikanta,
- 4) ciljevi manifestacije, aktivnosti i očekivani rezultati,
- 5) ciljne grupe,
- 6) značaj manifestacije za lokalnu zajednicu,
- 7) opisni izvještaj o realizovanim manifestacijama za prethodne 4 godine (navesti ukoliko je manifestacija sa kojom se aplikant prijavljuje tradicionalna te je već finansirana od strane Općine Jablanica).

b) Detaljno razrađen finansijski plan za realizaciju manifestacije potpisan od strane odgovornog lica (pregled budžeta manifestacije i plan potrošnje sa specifikacijom troškova potrebnih sredstava).





- c) Rješenje o registraciji.
  - d) Uvjerenje o poreskoj registraciji (Identifikacioni broj).
  - e) Završni godišnji finansijski izvještaj za prethodnu godinu sa pečatom FIA-e (bilans stanja i bilans uspjeha) osim ako je udruženje registrovano u godini objavljivanja Javnog poziva.
- (3) Aplikant uz prijavu dostavlja fotokopije tražene dokumentacije, originalni dokumenti bit će zatraženi na uvid ukoliko manifestacija bude odobrena.
- (4) Prijave na javni poziv aplikanti dostavljaju u zatvorenoj koverti preporučenom poštom ili predaju lično u Šalter sali Općine Jablanica.

#### Član 7.

- (1) Nepotpuna dokumentacija i dokumentacija dostavljena izvan predviđenog roka, neće se uzeti u razmatranje.
- (2) Prijave na javni poziv koje ne zadovoljavaju bilo koji od ispod navedenih kriterija neće se uzeti u razmatranje:
- a) manifestacija aplikanta koji nisu izvršili svoje obaveze po ranije doznačenim (odobrenim) finansijskim sredstvima Općine Jablanica;
  - b) manifestacije kojima je predviđeni dio administrativnih i kancelarijskih troškova i troškova osoblja veći od 20% u odnosu na ukupan budžet manifestacije;
  - c) manifestacije koje su usmjerene prema političkim aktivnostima;
  - d) manifestacije koje su namjenjene za isključivu dobit pojedinca;
  - e) manifestacije koje nisu u skladu sa članom 3. ovog Pravilnika.

#### Član 8.

- (1) Postupak po Javnom pozivu provodi Komisija za ocjenjivanje i odabir manifestacija.
- (2) Komisiju Rješenjem imenuje Načelnik Općine.
- (3) Komisiju čine predsjednik i četiri člana.
- (4) Sastav Komisije čine: dva zaposlenika Općine koja rade na poslovima saradnje sa organizacijama civilnog društva, dva predstavnika Općinskog vijeća Jablanica i jedan predstavnik iz reda organizacija civilnog društva.
- (5) Člana Komisije iz reda organizacija civilnog društva predlaže općinska služba nadležna za rad s nevladinim organizacijama nakon održanog sastanka sa navedenim organizacijama.
- (6) Komisija će biti imenovana na period od godinu dana.

#### Član 9.

- (1) Kriteriji za odabir manifestacije omogućavaju Komisiji da procijeni operativne i finansijske sposobnosti aplikanta kako bi se osiguralo da oni posjeduju profesionalne sposobnosti i kvalifikacije potrebne za uspješnu realizaciju manifestacije.
- (2) Ocjenjivanje i odabir manifestacije vršiće se na osnovu kriterija propisanih u članu 10. ovog Pravilnika.

#### Član 10.

- (1) Ocjenjivanje i odabir manifestacije vršiće se u skladu sa kriterijima utvrđenim u Obrascu za ocjenjivanje manifestacije, koji je sastavni dio ovog Pravilnika.
- (2) Komisija vrednuje prijedlog manifestacija prema kriterijima sa pripadajućim brojem bodova.
- (3) Komisija dodjeljuje usaglašene bodove od 1 do 5 za svaki od kriterija pojedinačno, na sljedeći način: 1 – veoma loše; 2 – loše; 3 – odgovarajuće; 4 – dobro; 5 – veoma dobro.
- (4) Ukupan broj bodova za manifestaciju predstavlja zbir svih bodova dodijeljenih u obrascu za ocjenjivanje.

#### OBRAZAC ZA OCJENJIVANJE MANIFESTACIJE

Naziv aplikanta	
Naziv manifestacije	
Datum podnošenja	
Datum, mjesto i vrijeme održavanja manifestacije	



<b>KRITERIJI ZA OCJENJIVANJE</b>	<b>Maksimalan broj bodova</b>	<b>Konačna ocjena</b>
<b>1. Operativni kapaciteti</b>	<b>20</b>	<b>0</b>
1.1 Da li podnosilac prijedloga ima dovoljno iskustva u realizaciji manifestacija?	5	
1.2. Da li manifestacija spada u tradicionalne manifestacije koje su već podržavane od strane Općine Jablanica	5	
1.3. Do sada postignuti uspjesi aplikanta u realizaciji manifestacija?	5	
1.4. Kvalitet ponuđene manifestacije	5	
<b>2. Relevantnost</b>	<b>15</b>	
2.1. Koliko je manifestacija relevantna u odnosu na prioritete oblasti iz javnog poziva?	5	
2.2 Koliko je manifestacija značajna za lokalnu zajednicu?	5	
2.3. Uključenost mladih/žena/marginaliziranih grupa u realizaciju manifestacije	5	
<b>3. Budžet i racionalnost troškova</b>	<b>20</b>	
3.1 Da li je odnos između procijenjenih troškova i očekivanih rezultata zadovoljavajući?	5	
3.2 Da li su predloženi troškovi neophodni za implementaciju manifestacije?	5	
3.3. Da li je budžet jasan i da li uključuje i narativni dio	5	
3.4. Da li je zadovoljen princip prema kojem administrativni i uredski troškovi i troškovi osoblja ne prelaze 20% ukupnog budžeta manifestacije?	5	
Ukupni zbir bodova	<b>55</b>	
Prijedlog Komisije o visini sredstava za finansiranje/sufinansiranje manifestacije		

(5) Samo manifestacije koje su dobile preko 30 bodova će biti finansirane/sufinansirane iz Budžeta Općine Jablanica, s obzirom da manifestacije sa nižim brojem bodova nezadovoljavaju postavljene standarde.

#### Član 11.

(1) Po okončanju postupka ocjenjivanja Komisija dostavlja Službi za opću upravu, društvene djelatnosti, socijalna pitanja, boračko-invalidsku zaštitu općine Jablanica popunjen Obrazac za ocjenjivanje za svakog aplikanta, sa Zapisnikom o radu Komisije.

(2) Po dostavljanju obrasca za ocjenjivanje i zapisnika o radu Komisije Služba će pripremiti prijedlog Odluke o raspodjeli sredstava i predložiti Općinskom vijeću na usvajanje.

(3) Nakon stupanja na snagu odluke Općinskog vijeća o usvajanju Odluke o raspodjeli sredstava, Služba će sa aplikantima koji zadovoljavaju uslove javnog poziva zaključiti ugovore o načinu korištenja sredstava.

(4) Korisnici sredstava dužni su u roku od 30 dana od dana realizacije manifestacije opravdati dodijeljena sredstva, a u suprotnom su dužni izvršiti povrat istih.

#### Član 12.

(1) Zaposlenici nadležne Službe vršiće kontrolu namjenskog utroška sredstava na osnovu terenskih posjeta i narativnih i finansijskih izvještaja dobivenih od aplikanta.

(2) Finansijski i narativni izvještaj dostavlja se na propisanim obrascima koji su sastavni dio ovog Pravilnika, a mogu se preuzeti na zvaničnoj internet stranici Općine Jablanica [www.jablanica.ba](http://www.jablanica.ba)

#### Član 13.

Aplikanti koji dobiju sredstva za finansiranje/sufinansiranje manifestacije dužni su u svojim promotivnim aktivnostima navesti da su dobili podršku Općine Jablanica, a na štampanim materijalima istaknuti grb Općine.



## Član 14.

Ovaj Pravilnik stupa na snagu danom objavljivanja u "Službenom glasniku općine Jablanica".

Federacija Bosne i Hercegovine  
Hercegovačko-neretvanski kanton

OPĆINA JABLANICA  
OPĆINSKO VIJEĆE  
Broj:02-02-1257-3/22-18  
Jablanica, 26.05.2022.g

PREDSJEDAVAJUĆI OV-a  
Emir Muratović, BA ing. građ., s.r.

\*\*\*

Na osnovu člana 14. stav 4. Zakona o eksproprijaciji ("Službene novine FBiH", broj: 70/07, 36/10, 25/12, 34/16) i člana 18. Statuta Općine Jablanica ("Službeni glasnik Općine Jablanica" broj 02/09, 8/16, 2/20), Općinsko vijeće na 18. redovnoj sjednici održanoj dana 26.05.2022. godine, *donijelo je*

**O D L U K U****I**

**UTVRĐUJE SE DA JE OD JAVNOG INTERESA** izgradnja/izmještanje željezno-rešetkastog stuba na trasi dalekovoda „Granit – Bukov pod“, pa se radi izvođenja radova može pristupiti nepotpunoj eksproprijaciji na dijelu zemljišta označenom kao:

- k.č. broj **925/1**, zvana „Šljunkara“, u naravi erozivni materijal površine 9775 m<sup>2</sup>, upisana u ZK uložak broj 297 K.O. Čehari, vlasništvo Općina Jablanica sa 1/1 dijela;
- k.č. broj **926/1**, zvana „Rastoka“, u naravi nekategorisani put, površine 4657 m<sup>2</sup>, upisana u ZK uložak broj 54 K.O. Čehari, dobro u opštoj upotrebu -putevi, Opština Jablanica sa 1/1 dijela;
- k.č. broj **941/2**, zvana „Punkt zimske službe“, u naravi erozivni materijal rov, površine 2112 m<sup>2</sup>, upisana u ZK uložak broj 145 K.O. Čehari, vlasništvo GTP „Babić“ d.o.o. Jablanica sa 1/1 dijela;
- k.č. broj **1079/1**, zvana „Jablanica M-16/2 Pro“, u naravi magistralni put površine 40685 m<sup>2</sup>, upisana u ZK uložak broj 402 K.O. Čehari, dobro u opštoj upotrebu -putevi, Federalno ministarstvo za promet i komunikacije sa 1/1 dijela.

**II**

Utvrđuje se da je Javno preduzeće «ELEKTROPRIVREDA BIH» d.d. Sarajevo, Podružnica «Elektroprivreda BIH» Mostar, korisnik nepotpune eksproprijacije za izgradnja/izmještanje željezno-rešetkastog stuba na trasi dalekovoda „Granit – Bukov pod“, na zemljištu iz tačke I ove Odluke.

**III**

Protiv ove Odluke može se pokrenuti upravni spor podnošenjem tužbe Kantonalnom sudu Mostar u roku od 30 dana od dana dostavljanja ove Odluke. Tužba se podnosi neposredno sudu.

**IV**

Ova Odluka stupa na snagu danom donošenja, a ista će biti objavljena u "Službenom glasniku Općine Jablanica".

**Obrazloženje**

Podneskom broj 03-3-22-4717-1/2022 od 19.04.2022. godine, zaprimljen dana 22.04.2022. godine, JP «Elektroprivreda BIH» d.d. Sarajevo, Podružnica «Elektroprivreda BIH» Mostar, obratilo se Službi za upravu za geodetske, imovinsko-pravne poslove i katastar nekretnina Općine Jablanica, sa prijedlogom da se na osnovu



člana 14. stav 4. Zakona o eksproprijaciji "Službene novine FBiH" broj: 70/07, 36/10, 25/12), donese odluka o utvrđivanju javnog interesa za izgradnju/izmještanje željezno-rešetkastog stuba na trasi dalekovoda „Granit – Bukov pod“, na dijelu zemljišta označenog brojevima katastarskih parcela 925/1, 926/1, 941/2 i 1079/1, sve K.O. Čehari, te da se u te svrhe može pristupiti nepotpunoj eksproprijaciji navedenog zemljišta.

Uz zahtjev je priloženo:

- kopija pravosnažnog Rješenja broj: 04/1-19-1-277/21 od 29.10.2021. godine;
- kopija pravosnažnog Rješenja broj: 04/1-19-1-277-1/21 od 07.03.2022. godine;
- zemljišnoknjižni izvadak broj 056-0-NAR-22-007- 475 od 09.12.2021. godine;
- zemljišnoknjižni izvadak broj 056-0-NAR-22-007- 472 od 09.12.2021. godine;
- zemljišnoknjižni izvadak broj 056-0-NAR-22-007- 473 od 09.12.2021. godine;
- zemljišnoknjižni izvadak broj 056-0-NAR-22-007- 474 od 09.12.2021. godine
- dokaz o uplati takse.

Članom 14. stav 4. Zakona o eksproprijaciji definisano je da Odluku o utvrđivanju javnog interesa za izgradnju objekata ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.

U cilju provođenja postupka nepotpune eksproprijacije ustanovljenjem služnosti na zemljištu koje je obuhvaćeno naprijed navedenim postupkom, u skladu sa članom 14. stav 4. Zakona o eksproprijaciji Općinsko vijeće Jablanica riješilo je kao u dispozitivu ove odluke.

Odredba da se protiv ove odluke može pokrenuti upravni spor, temelji se na odredbi člana 16. stav 5. Zakona o eksproprijaciji («Službene novine F BiH», broj: 70/07, 36/10, 25/12, 34/16 ).

Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-1257-4/22-18  
Jablanica, 26.05.2022.g

PREDSJEDAVAJUĆI OV-a  
Emir Muratović,BA ing.građ.,s.r.

\*\*\*

Na osnovu člana 14. stav 4. Zakona o eksproprijaciji ("Službene novine FBiH", broj: 70/07, 36/10, 25/12, 34/16) i člana 18. Statuta Općine Jablanica ("Službeni glasnik Općine Jablanica" broj 02/09, 8/16, 2/20), Općinsko vijeće na 18. redovnoj sjednici održanoj dana 26.05.2022. godine, *donijelo je*

## ODLUKU

### I

**UTVRĐUJE SE DA JE OD JAVNOG INTERESA** izgradnja infrastrukturne bazne stanice mobilne telefonije na području Risovca, Općina Jablanica, pa se u svrhu izgradnje iste može pristupiti nepotpunoj eksproprijaciji zemljišta označenog kao:

-k.č. broj: **2100/64**, zv. «Rupa», u naravi pašnjak 5. klase, površine 100 m<sup>2</sup>, upisana u ZK uložak 96 K.O. Risovac, vlasništvo Općina Jablanica, sa 1/1 dijela.

### II

Utvrđuje se da je «BH TELECOM» d.d. Sarajevo, korisnik nepotpune eksproprijacije za izgradnju infrastrukturne bazne stanice mobilne telefonije, na zemljištu iz tačke I ove Odluke.

### III

Protiv ove Odluke može se pokrenuti upravni spor podnošenjem tužbe Kantonalnom sudu Mostar u roku od 30 dana od dana dostavljanja ove Odluke. Tužba se podnosi neposredno sudu.

**IV**

Ova Odluka stupa na snagu danom donošenja, a ista će biti objavljena u “Službenom glasniku Općine Jablanica”.

***Obrazloženje***

Podneskom broj 06.2.8-40-27817-1/22 3203 od 23.03.2022. godine, zaprimljen dana 23.03.2022. godine, «BH TELECOM» d.d. Sarajevo, obratilo se Službi za upravu za geodetske, imovinsko-pravne poslove i katastar nekretnina Općine Jablanica, sa prijedlogom da se na osnovu člana 14. stav 4. Zakona o eksproprijaciji “Službene novine FBiH” broj: 70/07, 36/10, 25/12), donese odluka o utvrđivanju javnog interesa za izgradnju infrastrukturne bazne stanice mobilne telefonije na području Risovca, Općina Jablanica, na dijelu zemljištu označenom brojem katastarske parcele 2100/1 K.O. Risovac, te da se u te svrhe može pristupiti nepotpunoj eksproprijaciji navedenog zemljišta.

Uz zahtjev je priložena sljedeća dokumentacija:

- Rješenje broj: 04/1-19-1-651/21 od 28.02.2022.godine, kojim se daje urbanistička saglasnost za izgradnju infrastrukturne bazne stanice mobilne telefonije na dijelu zemljišta označenom brojem katastarske parcele označene brojem 2100/1 K.O. Risovac;
- zemljišnoknjižni izvadak broj: 056-0-NAR-22-001 877 od 23.03.2022. godine;
- dokaz o plaćenju taksu.

Nadalje, u postupku je Prijavnim listom broj: 12/22 K.O. Risovac izvršeno cijepanje katastarske parcele označene brojem 2100/1 K.O. Risovac, na koji način je formirana parcela u površini od 100 m<sup>2</sup>, označena kao k.č. broj: 2100/64 K.O. Risovac, Rupa», u naravi pašnjak 5. klase, površine 100 m<sup>2</sup>, koja predstavlja građevinsku parcelu predviđenu za predmetnu baznu stanicu.

Članom 14. stav 4. Zakona o eksproprijaciji definisano je da Odluku o utvrđivanju javnog interesa za izgradnju objekata ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.

U cilju provođenja postupka nepotpune eksproprijacije na zemljištu koje je obuhvaćeno naprijed navedenim postupkom, u skladu sa članom 14. stav 4. Zakona o eksproprijaciji Općinsko vijeće Jablanica riješilo je kao u dispozitivu ove odluke.

Odredba da se protiv ove odluke može pokrenuti upravni spor, temelji se na odredbi člana 16. stav 5. Zakona o eksproprijaciji («Službene novine F BiH», broj:70/07, 36/10, 25/12, 34/16 ).

Federacija Bosne i Hercegovine  
Hercegovačko-neretvanski kanton

OPĆINA JABLANICA  
OPĆINSKO VIJEĆE  
Broj:02-02-1257-5/22-18  
Jablanica, 26.05.2022.g

PREDSJEDAVAJUĆI OV-a  
Emir Muratović,BA ing.građ.,s.r.

\*\*\*

Na osnovu člana 18. Statuta općine Jablanica (“Službeni glasnik općine Jablanica” broj: 2/09, 8/16 i 2/20), Općinsko vijeće Općine Jablanica, na 18. sjednici održanoj dana 26.05.2022. godine, d o n o s i

**ZAKLJUČAK****Član 1.**

Utvrđuje se Nacrt Odluke o komunalnom redu.  
Sastavni dio ovog Zaključka čini Nacrt Odluke o komunalnom redu.

**Član 2.**

O Nacrtu Odluke o komunalnom redu sprovest će se javna rasprava u trajanju od 90 dana.



Javnu raspravu će sprovesti Služba za opću upravu, društvene djelatnosti, boračko invalidsku zaštitu, socijalna pitanja i zajedničke poslove i Služba za upravu za prostorno uređenje, građenje, zaštitu okoline i stambeno-komunalne poslove.

### Član 3.

Ovaj Zaključak stupa na snagu danom donošenja, a objavit će se u “Službenom glasniku Općine Jablanica”.

Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-1257-1/22-18  
Jablanica, 26.05.2022.g

PREDSJEDAVAJUĆI OV-a  
Emir Muratović,BA ing.građ.,s.r.

\*\*\*

Na osnovu člana 18. Statuta općine Jablanica (“Službeni glasnik općine Jablanica”, broj: 2/09, 8/16 i 2/20), Općinsko vijeće Općine Jablanica, na 18. sjednici održanoj dana 26.05.2022. godine, d o n o s i

## ZAKLJUČAK

### Član 1.

Općinsko vijeće Općine Jablanica je na svojoj 18. sjednici razmatralo Zaključak Vlade HNK broj: 01-1-02-1093/22 od 26.04.2022. godine.

### Član 2.

Općinsko vijeće Općine Jablanica **ne daje** saglasnost na Zaključak Vlade HNK broj: 01-1-02-1093/22 od 26.04.2022. godine.

### Član 3.

Ovaj Zaključak stupa na snagu danom donošenja, a objavit će se u “Službenom glasniku Općine Jablanica”.

### Obrazloženje

Ministarstvo zdravstva, rada i socijalne zaštite HNK dostavilo je Općinskom vijeću Jablanica Zaključak Vlade Hercegovačko-neretvanskog kantona, broj: 01-1-02-1093/22 od 26.04.2022. godine.

Tačkom IV Zaključka Vlada HNK traži mišljenje i saglasnost od svih zakonskih obaveznika (su) finansiranja, između ostalih – osnivača zdravstvenih ustanova (svih općinskih i gradskih vijeća u HNK), na model Vlade iskazan u tački III navedenog Zaključka, kojim se definiše dodatak na plaću zbog izuzetne odgovornosti za život i zdravlje ljudi i zaključivanje kolektivnog ugovora na tri godine.

Općinsko vijeće Općine Jablanica je na svojoj 18. sjednici razmatralo Zaključak Vlade HNK broj: 01-1-02-1093/22 od 26.04.2022. godine. U članu 2. Zaključka odlučeno je da Općinsko vijeće Jablanica **ne daje** saglasnost na model Vlade HNK iskazan u tački III ovog Zaključka, obzirom da Općina Jablanica u okviru samoupravnog djelovanja, u skladu sa ustavom i zakonom ima vlastite nadležnosti u okviru kojih obavlja poslove. U skladu sa Statutom Općine Jablanica, Općina se bavi svim pitanjima od lokalnog značaja koja nisu isključena iz njene nadležnosti, niti dodjeljena u nadležnost neke druge vlasti na osnovu ustava ili zakona, i smatra se vlastitom nadležnosti Općine. Općina pored vlastitih nadležnosti izvršava poslove federalnih i kantonalnih vlasti koje joj te vlasti povjere u skladu sa zakonom, uz obavezno pribavljanje prethodne saglasnosti Općine za prihvatanje obavljanja tih poslova. Prijenos i povjeravanje Općini poslova mora biti praćeno dodjelom sredstava potrebnih za njihovo efikasno obavljanje. Nije u skladu sa Ustavom obavezivati jedinice lokalne samouprave da (su)finansiraju oblast zdravstva bez dodjeljenih prihoda.



Općinsko vijeće Općine Jablanica podržava svaki dogovor Vlade HNK i Strukovnog sindikata doktora medicine i stomatologije u HNK u vezi potpisivanja novog Kolektinog ugovora o pravima i obavezama poslodavaca i radnika iz djelatnosti doktora medicine i stomatologije na području HNK, ali obzirom da zdravstvena zaštita tog nivoa nije u nadležnosti Općine, smatramo da davanje saglasnosti na Zaključak Vlade HNK od strane Općine Jablanica, nije relevantno za realizaciju istog.

Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-1257-6/22-18  
Jablanica, 26.05.2022.g

PREDSJEDAVALAČI OV-a  
Emir Muratović, BA ing. građ., s.r.

\*\*\*

Na osnovu člana 8. stav. 2. Zakona o koncesijama („Službene novine HNK“, broj: 1/13, 7/16, 6/18, 9/19 i 1/21) i člana 18. Statuta Općine Jablanica („Službeni glasnik Općine Jablanica“, broj: 2/09, 8/16 i 2/20), Općinsko vijeće na 18. sjednici održanoj dana 26.05.2022. godine, donijelo je:

## ZAKLJUČAK

### Član 1.

Općinsko vijeće Jablanica utvrđuje interes općine Jablanica za davanje koncesije S.D. „EKO-FISH“ vl. Imamović Sandi, Jablanica za korištenje voda i javnog dobra s ciljem kaveznog uzgoja ribe u hidroakumulaciji Grabovica na lokalitetu Glogošnica, pod uslovima propisanim pozitivnim zakonskim propisima.

### Član 2.

Općinsko vijeće Jablanica traži da Koncesor, pored odredbi koje su propisane zakonom, postavi opće i posebne uslove za uzgoj ribe:

- Koncesionar se sam mora zaštititi od posljedica elementarnih nepogoda i od štetnog djelovanja voda,
- Koncesionar mora obezbijediti zaštitu vode od zagađivanja vezano za obavljanje djelatnosti,
- Naknada štete koja može nastati prema trećim licima,
- Vodno dobro koristiti tako da je koncesionar dužan preduzimati mjere zaštite života, zdravlja, ljudi, zaštite okoline i imovine drugih lica u slučaju opasnosti od poplava, erozije ili drugih oblika djelovanja voda,
- Koncesionar ne smije svojom djelatnošću na predmetnoj lokaciji ugrožavati druge subjekte u njihovoj djelatnosti, te utvrditi da svako takvo ugrožavanje pada na teret koncesionara.

### Član 3.

Ovaj Zaključak stupa na snagu danom donošenja, a objaviće se u “Službenom glasniku Općine Jablanica”.

Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-1257-7/22-18  
Jablanica, 26.05.2022.g

PREDSJEDAVALAČI OV-a  
Emir Muratović, BA ing. građ., s.r.

\*\*\*



Na osnovu člana 18. Statuta općine Jablanica ("Službeni glasnik općine Jablanica" broj: 2/09, 8/16 i 2/20), Općinsko vijeće Općine Jablanica, na 18. sjednici održanoj dana 26.05.2022. godine, d o n o s i

## ZAKLJUČAK

### Član 1.

Usvaja se Inicijativa Kluba vijećnika OO SDP BiH Jablanica i nezavisne vijećnice Adise Zukić za izmjenu Odluke o radnom vremenu trgovačkih, ugostiteljskih obrtničkih i srodnih radnji i djelatnosti na području općine Jablanica.

### Član 2.

Zadužuje se Služba za opću upravu, društvene djelatnosti, boračko invalidsku zaštitu, socijalna pitanja i zajedničke poslove da pripremi Nacrt Odluke o izmjeni Odluke o radnom vremenu trgovačkih, ugostiteljskih obrtničkih i srodnih radnji i djelatnosti na području općine Jablanica i dostavi Općinskom vijeću Općine Jablanica na razmatranje.

### Član 3.

Ovaj Zaključak stupa na snagu danom donošenja, a objavit će se u "Službenom glasniku Općine Jablanica".

Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-1257-8/22-18  
Jablanica, 26.05.2022.g

PREDSJEDAVAJUĆI OV-a  
Emir Muratović,BA ing.grad.,s.r.

\*\*\*

Na osnovu člana 18. Statuta općine Jablanica ("Službeni glasnik općine Jablanica" broj: 2/09, 8/16 i 2/20), Općinsko vijeće Općine Jablanica, na 18. sjednici održanoj dana 26.05.2022. godine, d o n o s i

## ZAKLJUČAK

### Član 1.

Usvaja se Inicijativa Kluba vijećnika OO SDA Jablanica za donošenje Odluke i Plana/Programa za izgradnju sportskog strelišta na području općine Jablanica.

### Član 2.

Zadužuju se Općinski načelnik i nadležne službe da sagledaju moguće lokalitete za izgradnju sportskog strelišta koje bi bile u skladu sa važećim prostornim dokumentima te Općinskom vijeću Općine Jablanica predloži mogući lokalitet.

Ukoliko takav lokalitet ne bi bio na raspolaganju potrebno je Općinskom vijeću Općine Jablanica predložiti Odluku kojom bi se definisao lokalitet sportskog strelišta i koji bi bio uvršten u predstojeće izmjene važećeg Prostornog plana Općine Jablanica.

### Član 3.

Ovaj Zaključak stupa na snagu danom donošenja, a objavit će se u "Službenom glasniku Općine Jablanica".





Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-1257-9/22-18  
Jablanica, 26.05.2022.g

PREDSJEDAVAJUĆI OV-a  
Emir Muratović,BA ing.grad.,s.r.

\*\*\*

Na osnovu člana 18. Statuta općine Jablanica ("Službeni glasnik općine Jablanica", broj: 2/09, 8/16 i 2/20), Općinsko vijeće Općine Jablanica, na 18. sjednici održanoj dana 26.05.2022. godine, d o n o s i

## ZAKLJUČAK

### Član 1.

Usvaja se Inicijativa vijećnika OO SDA Jablanica Kenana Biserovića za donošenje Odluke o izmjeni i dopuni Odluke o dodjeli na korištenje poslovnih prostorija bez naknade („Službeni glasnik Općine Jablanica”, broj 11/19).

### Član 2.

Zadužuje se nadležna služba da za narednu sjednicu Općinskog vijeća pripremi i predloži Odluku o izmjeni i dopuni Odluke o dodjeli na korištenje poslovnih prostorija bez naknade („Službeni glasnik Općine Jablanica”, broj 11/19), kako bi se sagledala mogućnost dodjele poslovne prostorije Udruženju građana “Roditelji za roditelje” Jablanica.

### Član 3.

Ovaj Zaključak stupa na snagu danom donošenja, a objavit će se u “Službenom glasniku Općine Jablanica”.

Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-1257-10/22-18  
Jablanica, 26.05.2022.g

PREDSJEDAVAJUĆI OV-a  
Emir Muratović,BA ing.grad.,s.r.

\*\*\*

Na osnovu člana 18. Statuta općine Jablanica ("Službeni glasnik općine Jablanica" broj: 2/09, 8/16 i 2/20), Općinsko vijeće Općine Jablanica, na 18. sjednici održanoj dana 26.05.2022. godine, d o n o s i

## ZAKLJUČAK

### Član 1.

Općinsko vijeće Općine Jablanica obavezuje Službu za opću upravu, društvene djelatnosti, boračko invalidsku zaštitu, socijalna pitanja i zajedničke poslove općine Jablanica da u saradnji sa zainteresovanim subjektima provede sljedeće aktivnosti:

1. Provedbu sveobuhvatnog istraživanja položaja i potreba mladih u općini Jablanica sa preporukama, koje će pored stavova i potreba mladih uključivati i evaluaciju efektivnosti svih programa i projekata koji su se provodili u posljednjih 5 godina, te analizu relevantnih strateških dokumenata (važećih i isteklih), kao i analizu rada vlasti, institucija i nevladinih organizacija na poboljšanju položaja mladih – rok za provođenje ove aktivnosti je 30.09.2022.godine.



2. Izradu strategije za mlade koja je propisana Zakonom o mladima FBiH, a koja će biti sastavni dio Strategije razvoja općine Jablanica- rok za provođenje ove aktivnosti je 01.12.2022.godine;

Član 2.

Ovaj Zaključak stupa na snagu danom donošenja, a objavit će se u “Službenom glasniku Općine Jablanica”.

Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-1257-11/22-18  
Jablanica, 26.05.2022.g

PREDSJEDAVAJUĆI OV-a  
Emir Muratović,BA ing.grad.,s.r.







